四庫全幸

史部

欽定四庫全書

江西通志卷七十七

詳校官監察御史臣左周

檢討區生覆勘 總

人月百中書 臣石鴻壽心校官知縣 臣楊懋珩 録監生臣具 靖

校

膨

文小写上心写_ 经通过 化接 書諭降江西未下諸郡從圍武 江西越志 原友諒辟為翰林院 一來謁留置左右從

全分口屋 降已復使擴廓前使多拘留復仁議論慷慨獨還 理復仁至城下號働者竟日理槌使入見持理哭哭 昌太祖欲招陳理降以復仁故友諒臣也遣入城 編修會安南侵占城命復仁齎詔至安南使歸所 止問故乃以太祖意諭之因語理曰大兵所向推拉 地其王旣奉詔贈遺復仁金貝及他土物甚衆悉却 不受帝聞而賢之 朽不降且屠城中民何罪理善其言即率官屬出 **洪武三年置引文館以復仁為** 巻七十七 諭

を できる (1985年) 1987年 (1986年)

欠了可見 これす 城中尋乞致仕陛辭賜大布衣題詩襟上褒美之已 急呼其妻抱机以坐帝帝曰賢士豈宜居此遂賜第 月賜玉帯鐵拄杖表馬遣還鄉以壽終列鄉録 為老實羅而不名間幸其舍負郭窮巷復仁方堊壁 士在帝前率意陳得失當操南音帝顧喜其質直呼 又召至京師奏滅江西秋糧及兵餉帝皆許之留三 于易尤善為詞賦在翰林有玉堂倡和豪 按解大紳所撰弘文館學士羅公傳稱其平生深 江西通志

洪武三年舉經明行修召見授兵部即中遷北平副 身殿部奉臣陳得失松以修德行仁對尋致仕歸 使以廉慎為先輕刑省事招集流亡民成復業創立 可其奏坐事為胡惟庸所謫輸作京師尋放歸十 惟庸誅徵拜禮部侍郎未幾攝吏部尚書雷震謹 天祥祠於學宫之側請減僻地驛馬以益宛平帝 與前刑部尚書李敬並徵拜敬國子祭酒而松為 瑜

劉松字子高泰和人舊名楚元末舉於鄉國初改名松

卷七十七

金月四月生書

時追贈禮部左侍郎諡恭介白志 貴無所增益十年一布被鼠傷始易之居官未當以 有志行微時兄弟三人共居一弟屋有田五十畝及 孤燈賦詩往往達旦豫章人宗其詩為西江派福王 家界自隨之任北平攜一童往至則遣還晡時吏退 司業賜鞍馬令朝夕見見輒熊語移時未旬日卒無 語及家事帝命有司治殯險親為文祭之松博學 按吾學編劉祭酒傳稱其致仕歸學問之功老而

欠心の事と馬

江西通志

曾萬中吉水人元季為千戶長江右大亂萬中與弟粹 金月口匠当書 中保障鄉里歸明還守吉安授萬中江省祭知政事 弟粹中親軍指揮使後城陷兄弟皆戰死吉州人文 彌篤云云考子髙卒時年甫六十一初被謫歸年 及家藏詩文十八卷傳皆不載原政 子高所著有職方集槎翁集行于世尚有北平集 位官非祭酒亦非老而致仕者也今皆訂正又按 猶未滿五十家居久之復起為司業旬日而殁于 巻七十七

李繼先廬陵人以才智受知太祖任樞密判官南昌降 解開字開元吉水人學士縉之父明兵起守臣梁克中 朝中林志 欲棄地去開往見為畫計招附犀雄郡賴以安後追 将祝宗等復叛陳友諒悉兵圍南昌城日危促繼先 紀畧 出戰接絕被獲不屈死之贈隴西郡侯祀南昌忠臣 迹山中明初徵為本縣師訓迪有方吉水文學之盛

次三四車公馬

江西通志

生父口五人三 張昱字光弼盧陵人少從虞伯生得詩法楊完者鎮江 奇搜得遺稿為之序輦下曲宫中詞最為世所傳 厚賜遣還因自號可間老人卒年八十三楊文貞士 浙用為恭謀行樞密院判官張士誠據吳以禮徵之 物志 白開始學者稱筠澗先生著有書解文集若干卷 是不屈張氏亡明太祖召至京師閔其老曰可聞矣

戴安字伯寧永豐人洪武舉人髙才博學有用世之志 陳宗舜字村民永新人至元間領郷試魁明初典江右 老乞身終養十三年復召授御史臺都事改翰林 以文學為逐近所宗永新人物志 文衡與考會試解學士縉亦其所取者也晚家吉水 ,應徵辟所陳奏皆國家至計上多採納然皆以親 編入元今改正 按解開以下三人皆應明徵辟或已授官前志尚

次10月華公馬

江西通志

羅以明字善蒙自號曰矇叟吉水人七歲能詩對十 金大匹匠石雪 集 籍復建言十二事改廣東海北提舉卒於官聶雙江 能為詞賦明初隱居不仕中子汝敬入翰林迎養京 師朝奉天門見皇太子于文華殿命大官賜膳歸鄉 日賦詩歌誦太平年八十二卒 序補 按戴安舊志俱不載今采聶貞襄梅溪戴氏族譜

王沂字子與泰和人父以道元時有隱德不仕沂與弟 とこうえんにう 運副使以老辭歸所著有二 刊行于世梁泊庵集 御史明年沂亦徵為說書旣至上書論事授福建鹽 佑俱試有司不合即棄去洪武初佑舉明經除監察 采補 按賴州府志引羅念庵集以沂為害都人者為 按羅以明弘文館學士復仁之從子前志不載 江西通志 一妙集永樂中同里蕭翬 it —

金灾四厚全書 王佑字子啟泰和人與胡子祺同時為廣西愈事按察 法示勸懲後難治违從之廣西稱治蜀平佑從知重 使尋适當咨两人以政體子祺曰刑新國用輕典宜 慶州招來撫輯甚得民和坐事免官卒白志 靜以泣之佑曰蠻方之人賣偷傷化不及此時明禮 佑為元人白志據泰和梁用之所撰竹亭行狀改 按子與兄弟皆未仕元人物志以兄沂為明人弟 又按二妙集之外子與有竹亭集子故有長江

楊卓字自立泰和人洪武進士授吏部主事踰年遷廣 欠了可見 三 皆引服吏抱具獄請署卓曰殺一婦安用二十卒 婦不從遂殺婦婦家得屍訴恭政拷同役者二十 東行省員外郎田家婦行山中遇雨伐木卒欲亂之 列二十人庭下熟視久之指兩卒曰殺人者汝也 善惡異也二十人遇 卒大驚服罪參政曰員外何以知之卓曰卒二十 萬里集 江西通志 婦亂且不能况殺之乎參政 兩

|金兵四月全書 劉夏字簡卿安福人洪武改元上書撰大學旨要進呈 改杭州通判卓未至杭時有兄弟爭田累歲不决卓 時大旱應詔言二事稱旨差往汴陝訪採前代政 至無涕不欲訊兄竟讓弟田卓精吏事吏不能欺而 曰善逐生十八人坐事謫鳳陽屯種召為禮部主事 為治尚寬恕民悅服馬病免卒同上 志 前成書以獻二年復差往交阯竣事沒于南寧

钦定四庫全書 歐陽韶字子韶永新人洪武初授監察御史時太祖威 前子部超跪關庭倉卒不能措辭舉手加額連呼曰 陛下不可上察其樸實天顏為霽其人得從輕典後 罪之一日子韶侍班上乘怒將戮一人他御史不敢 斷莫測日命御史二人侍班刑賞有失中不諫正者 乞致仕終于家人物志 士吉水人今從安志改作夏 按林志作劉迪簡登科考迪簡乃洪武三十年進 江西道志

尹堅字潮春永新人常開平伐江西堅知天命有歸說 **錢瑛字可大吉水人祖本和以篤行稱瑛生八月而狐** 功洪武二年改授武略將軍祥符衛鎮撫予世襲林 熊天瑞以全城歸服擢授直殿將軍後累從征伐有 元末大亂奉祖及母避難歷五六年最後遇賊縛 和瑛奔救并縛之本和哀告賞其孫瑛亦泣請代)賊憐而兩釋之方是時其母被執而妻張氏從

改三四車全書 梁伯興永豐人洪武初以明經舉除真定府同知善政 賊怒攢刃刺殺之事定有司知瑛賢凡三薦並以親 事當命撰日本國語稱旨陛河南右布政使明一統 著聞陛應天府丞改知梧州府後召至京查理刑科 老辭子逐志中進士官山東食事白志 年少從之旣就縛擲袖中義與姑訣曰婦無用此矣 幹中窺見即趨出謂賊曰姑老請釋而縛我賊見其 且行且脫姑稍速即罵賊不肯行賊持之急罵蓝厲

艾彭字伯崇吉水人洪武初以儒士授潮州同知程東 タラモノ 馬同上 忐 昌築提桿江自黑龍渦至魏家灣六十里民獲安居 昌知府潮人感其惠愛當立主侑祀于韓公廟守東 政聲以父憂去位太祖遣使齎勅諭之有古廉潔之 褒賜米五十石鈔二百五十錠為守服之用林志)觀泰吉水人洪武初以人才舉官蘇州知府有

彭京字伯圻安福人洪武初以薦辟任給事中陛真定 劉穀字原實龍泉人洪武初以教授被徵入見是日有 陳灌字子將廬陵人生數歲而孤旣冠覩元綱日壞去 星象文明之祥除監察御史屢上封事皆見納以疾 同上 去位後出補無為知州除水面錢均夫差門無私謁 死調京為河南食事善草書得懷素筆法同上 知府有政聲令忌其嚴誣以私疏上察其冤坐令以

火三可厚江东

江西通志

竣除寧國知府百廢俱舉華兼併之俗覈欺隱之籍 復仁詣軍門上謁逐握湖廣行中省員外郎大將軍 將熊天錫強禮致灌與俱至九江灌視陳氏不足與 習兵法已而寇盜蜂起遂募義勇保障一鄉陳友諒 朝廷取其戸帖頌行天下築化城等十六圩隄伐巨 徐達北征灌對軍事既克泰州留灌築城不旬日告 有為去之甲辰春太祖克武昌灌因弘文館學士羅 石作水門以時當洩三年代去謁告歸省卒楊東里

金玩四厚全書

曾鼎字元友泰和人祖懷可父思立並有學行元末鼎 九三日巨 上事 奉母避賊母被執鼎跪而泣代賊怒將殺母鼎號泣 集 書院山長洪武三年知縣郝思讓辟教社學居久之 其母子入管療治獲愈釋之行省聞其賢辟為濂溪 以身翼蔽傷項肩及足控母不舍賊魁繼至憫之攜 碑補撰周文襄集中陳太守傳略同 按陳灌林志作瓘白志考訂改正又采楊東里墓 江西通志

陳繼先字仲述泰和人洪武進士授御史時决獄者多 羅晉用泰和人弱冠父死女昆弟五人 金好四屆台書 奇效終不言利安志 娶口母老弟妹多娶則不給也追姪有子母命之 于晉用免內顧憂精於醫無問貧富 乃娶諸娣妹壻遠官者羈旅者其妻子用乏皆取 **人方幼晉用刻苦奉母嫁妹婚姪養廢疾者已則不** 白志 應之雖屢著

とこう ラーン・トラ 蕭執字子所泰和人洪武四年鄉舉為國子學録五年 夏至帝有事北郊召尚書吳琳主事宋濂率文學士 卷拱行狀 散失存者五卷耳尋沒于官所著名橋梓前集梁泊 以從執偕陶凱等十二人見帝齊所令賦詩親第甲 手暇輒為文自娱一時稱為陳古文而不名惜其文 弗稱上旨獨繼先所訊得情 乙復令賦山梔花閱執詩喜遍示諸臣時帝留意文 江西通志 **憲臺章疏奏覈皆出其**

多定四周全書 一矣勤字孟勤師尹子元李盗起勤以策干吉安守臣不 周子諒名愷以字行廬陵人洪武進士預修禮書授工 責之鎮為禁止邑人以安白志 學往往親試廷臣執與陳觀知遇尤異以親老乞歸 見用洪武初為武昌教授永樂初召入史館修髙廟 部主事與賴州劉承直同時並用有詩文二卷吉州 親殁盧墓側申國公鄧鎮勒龍泉寇蔓及泰和執往 人文紀略

羅性字子理泰和人博學有行誼洪武初舉於鄉授德 ていう!! ここと 干卷同上 安同知大盜糟字萬戶者捕久不獲林連擊獄者數 幾卒年七十六勤學該博手未嘗釋卷為詩文敏而 百人性至郡有指糟李死者性辯其非是笞逐之悉 匡山樵者更號由紛皆以名其文集井六藝集凡若 實録號良史才書成改開封教授周定王敬禮之未 工尤善行草書在史館時七十餘矣運筆如飛初號 工馬動動

到定匹库全書 賦秩滿赴京坐擅用豪水染軍衣誦成西安四方老 鐵造軍器民爭求售性曰此天所以濟民也悉以充 力七日果得糟李嘗治蔬園得客鐵萬餘斤會方賦 出所繁與期十日得糟李即盡質若曹农叩頭願盡 書無幾羅先生之半年七十卒白志 師宿儒在西安者數十人吳人鄒弈曰合吾輩所讀 按羅子理為西楊受業師生平行誼詳見文貞所 卷七十七

胡子祺名壽昌以字行吉水人宋資政殿學士銓十世 周肅吉水人洪武初舉授御史臺都事直諫稱旨受文 興堰廢田不治子祺議以竹木代工甚省遷延平知 者悉撤毁改知彭州都江諸堰秦守李永所鑿導 馬尋遷廣西按察司食事屢平冤獄祠廟不載祀典 孫洪武三年選文學士十八人授監察御史子祺與 府踰年卒次子廣自有傳司上 水灌成都田歷代皆用鐵石修之勞費不貲元季兵

欠三百 尾公野

江 西通志

뉼

張衡字子平萬安人洪武進士授禮科給事中疏奏凱 杜環字叔循廬陵人侍父一元游宦金陵遂家馬召 鱼员四屋刍量 清慎以其事載大語每宣召輒呼為瘦張而不名 切搖禮部左侍郎奏正洪武禮儀定式歲行郊祀逐 林志 上 綺緒幣之賽累官戶部尚書經畫悉當上甚器重之 百官行最者十三人登壇分獻衛與馬太祖優嘉

或有存者問至一元家知已死惟子環存母服破衣 納環購布帛為製衣象自環以下皆以母事之成勿 歲飢民骨肉不相保母見環家貧復出問故人皆不 子出拜妻馬氏解衣更母濕衣奉糜食衾寢時兵亂 雨行至門泣告之故環見大驚扶就坐拜之復呼妻 九江家丧其母張氏無所歸念九恭嘗仕金陵戚交 以困故輕慢越十年環為太常賛禮郎奉詔祠會稽 工書重然諾好周人急父友兵部主事常允恭死於

とこう手にす

江西通志

金好四月月月 王希禮吉安人洪武中知平陽不事綜刻催科獻決章 鞭示扑常曰刑者輔政之法不得已用之民自化服 有名宋文憲集 往見伯章經半歲始至見母尋給以他事去母後死 道遇其幼子伯章泣語母在環家念子日夜成疾宜 杜氏環為殯葬如禮歲時祀之環後為晉王府録事 浙江通志 按杜環雖家金陵實廬陵人前志不載今采補 卷七十七

習部字尚鏞永豐人洪武中知長樂以孝弟化民勤于 彭豫字與志泰和人洪武中為香山丞地僻俗囂前令 于官廣東名宦志 海濵屯帥暴横悉遣還放民樹柵積石以禦倭寇寇 不敢近俗蓄蟲毒豫廉得之誅徒其家後莫有犯卒 紳梁石門俱極推之有舟次洞庭句云辭家一千里 撫字民安其業秩滿遷兵部即為詩古澹清婉解大 率尚威嚴豫至寬教令省刑罰廢墜具舉流亡來歸

欠正の事亡馬

江西通志

+

鱼牙口口鱼量 文實字用濟吉水人洪武初應制進太學賦稱旨授周 劉煥字孟章吉水人洪武初以明經舉知原武縣上書 惆恨不能吟昨夜巴陵雨洞庭春草深真唐音也 前叱逐不去乃命左右隨之至萬野中見二人掘冢 首陳時務禁民掘家時適祭無祀思神有大搖尾而 獎江集 獲而訊之伏罪後以薦擢吏部郎中人物志 按韶所著名虚養言志集舊志不載今采補

周静安福人洪武初舉學行授鈔庫提舉以仇直詢戍 伍朝賓字介貞安福人洪武初以遺逸徵試惟天生民 古绿安志 潮陽卒所著有滇南集同上 畢節居夸十八年益属節操適記逐老成人諭榜葛 刺國起授行人持節往淹留七載始遣陪臣伴歸至 有欲論數對稱旨令供奉翰林文字除國子助教弟 府長史懇辭還鄉治別業于符山下著有邯鄲集精

次已日早六季

江西通志

1

尹平字伯洪吉水人洪武中驛召至京授考功監丞改 多为口足百量 歐陽銘字日新泰和人以賢才薦除江都縣丞兵燹之 下狱卒林志 朝作亦有詩名同上 餘民死徒十七八銘招來拊循漸次復業民有繼 湖廣詢察民隱考覈官吏所至風采卓然後以忤旨 刑科都給事中又改御史彈劾不避權貴奉命巡視 告其子不孝者呼至素前委曲開譬母了 女

久已马重 台島 情勸勵之邑大治秩滿入覲卒白志 士相戒曰是當抗常公健吏也母犯銘為治廉静平 詰之銘曰卒王師民亦王民也民毆且死卒不當笞 殿擊一市盡譁銘答而遣之卒訴令罵將軍將軍召 恕暇輒進諸生講文藝或單騎行田間視民耕獲勤 邪將軍意解為青軍士以謝已而大將軍徐達至軍 知臨淄縣副將軍常遇春過臨淄卒入民家取酒相 按歐陽銘林志失載王文端公集亦有傳與此略 江西通志

金月中月月雪 劉亨字嘉會廬陵人洪武中舉經明行修說書於華蓋 宣德中復以薦入朝自言年將八十不足任事聽還 若干卷王抑庵集 鄉自便又數年卒所著有竹軒寫心二集隨寓録凡 擒首惡戮之而諭降其黨事聞資金幣旋以事罷歸 殿以言事忤執政出為壽州訓導常上言文武並用)道升武進縣丞縣民李德懋等作亂亨謀於守令 5

劉于字允恭永豐人幼皆學年稍長以文謁虞文靖公 **钦定四車全書** 伍洪字伯宏安福人洪武進士授績溪主簿權上元知 東鄉試得士為多當召見數釋經傳上為首肯欲授 學正秩滿還鄉明洪武初再徵至京師歷考福建廣 集深器之至正七年舉於鄉以下第思例署泰和州 縣丁外艱服闋以母老須養不復仕推資産與諸弟 集 以州邑之職年老固辭賦詩以見忘逐故歸京學士 江西通志 克

阮友彰廬陵人洪武初官福建按察使以康幹稱左遷 劉仕貆字伯貞安福人父開開兄聞弟閱閏皆以春秋 於市白志 捕弗獲執其母洪哭訴求代母曰汝往必死莫若吾 屬友彰至未三月政令大行林志 自當之洪曰安有子在而累母者使者執以行竟死 而已獨隱居養母十九年有異母弟得罪而逃使者 河南尋謫戍復起為交阯副使交阯久違聲教甫內

欠已日軍在馬 受則喜以為無精嫌不受則懼褐蠱殺之仕瓊者悉 悍不可繩以法且善蟲上官至輒致所産珍貨為贄 東按察司飲事分司瓊州州在海外民夷錯居俗擴 發情得疾遭風殁於水白志 **暫夷人不忍害也朝議省啟事官改授東莞河泊使** 為所行仕鉅廉且惠愛輕徭理枉大得民和雖卻其 紅巾亂避地色南社州洪武十五年應賢良舉授廣 應舉為元官獨開不仕著書終其身仕貆少受父學 江西通志

全厅匹匠全書 蕭岐字尚仁泰和人五歲而孤事祖父母以孝聞有司 萬餘言時帝刑罰過中計告風稍熾岐請禁止實封 屡舉不赴洪武十七年 詔徵賢良強起之上十便書 府長史力解忤旨謫雲南楚雄訓導岐即日行遣騎 以杜誣罔依律科獄以信詔令語皆指切召見授潭 追還歲餘改授平京再歲致仕復召與錢字等考定 載有悠然集十卷 按劉仕貆林志不載白志采補入又據正氣録所 卷七十七

陳謨字一德泰和人幼能詩文邃于經學旁及子史百 賦引律令為之解合為一集當曰天下理本一出乎 書傳賜幣鈔給驛歸當輯五經要義又取刑統八 京歸遇於道攜還家其後逐為顯族同上 固先生子忠幼被掠臨洮百戶何氏以為壻岐自平 家涉流探源辨析純駁犂然歸于至當隱居不求仕 道必入乎刑吾合二書使觀者有所省也學者稱正 按蕭岐應有集惜今不傳

久己日東上島

江西通志

金好四月百十 以終同上 徵詣京師賜坐議禮學士宋濂待制王禕請留為國 倫莫先于發化氣質若禮樂刑政錢穀兵甲度數之 詳亦不可不講習一時經生學子多從之游洪武初 學師謨引疾辭歸屢應聘為江淛考試官著書教授 而究心經世之務嘗謂學必敦本莫加于性莫重于 說及海桑集 按陳謨卒時年九十六所著有書經會通詩經演 卷七十七

劉季道吉水人洪武中為起居注首發御史大夫陳寧 梁蘭字庭秀泰和人贊善潛之父有樂畦先生集鄒仲 余斯延泰和人自少力學從元進士劉雲章授書洪武 熙稱之云隱居樂道其詩沖淡閒雅有自得之致 所居名果確齊梁用之潛為記梁泊庵集 初徵至京師以老病告歸長子學藥永樂二年進十 奸狀曾侍東宫閥書東宫方視楊太真畫像李道手 上 シラミ ここう 江西通志

王伯貞泰和人以經術顯洪武十五年聘至京師應詔 多定匹库全書 狱死林志 者五百餘人帝親御奉天門試之伯貞對第一授試 賞曰此詩有安不忘危之意賜白金文綺陛浙江按 就有治定不教生縱逸功成猶遣歷間關之句上嘆 裂之隨属幸中都上賦清流關詩命和季道援筆立 察司愈事發擿陰伏機敏如神尋以剛直忤權貴 **飲事分巡廣東雷州復吕塘廢渠清鹽法會罷分巡** 老七十七

黄鼎字玉堃吉水人修辭立言必以道德仁義為本胡 とこう見とう 飲急則因之以要利伯貞為立期三輸之而弊絕居 崖州黎相仇殺以反聞且用兵伯貞捕其首惡數人 官召還為戶部主事命尚書趙俊受學以父喪服闋 數年大治流民來歸者萬三千餘口憂歸補肇慶太 之官卒白志 兵遂罷瓊田歲常三獲以賦軍軍不時受俟民乏而 不時起滴居安慶者數年建文初復以為知瓊州府 江西通志

金好四月百書 楊引吉水人好學能詩文為宋濂陶安所稱駙馬都尉 楊偉字季真永新人性狷介博通五經尤精天文地理 諸掌同上 廣鄉緝皆其門人所著有四書五經精義同上 對立召見賜食他日賢以褻服見引太息曰是其心 陸賢從受學入朝奉止端雅太祖喜問誰教者以引 易我不可久居此矣即引去時方不次用人有司頻 之學會取尺紙作廣輪圖山川曲折郡邑遠近如指 卷七十 ż

周榘一作矩字仲方洪武進士為翰林侍從事必師古 卓然有徐樨陶潛之風同上 昌祺自陳有志經學願得榘為師起為廬陵可訓夏 出為中年令有異政選台州同知謫于我伍盧陵李 既殁安福劉球稱其學探道原文範後世去就出處 吾教自有養生術安事偃仰吐納為迄老視聽不衰 教學者先操履而後文藝書揭論語鄉黨篇示人曰 以孝廉文學善書薦皆不赴復以纂修徵亦不就其

欠己日屋と言

江西通き

吉

周鳴字岐鳳吉水人洪武中以經明行修薦為桐城 金月四月多 劉伯完字觀静吉水人洪武初舉茂才通占卜課候術 原吉薦同治水蘇松磚石不給禁命拆當為之中有 碑云此當進周破以經義治水有聲林志 監副追靖難兵起逐變姓名遠遁後不知其所終人 數之學里中何監正奇其技薦于御史臺劉建值 廷雅重天文諸儒詔授陰陽學正歷欽天監兼回回 卷七十七 たこうしきます 宋禮字大本永寧人洪武中以國子監生擢山西按察 鳴心知之作寶賢堂箴寓規意王思之送鳴于京師 善王素蓄不臣之心開實賢堂招致匪人為奪嫡計 産鐵之地民力用甦永樂初授國子學正推漢府紀 導改即墨簿會軍與賦鐵七十餘萬鳴具言海隅非 司食事左遷户部主事署禮部事以敏練擢禮部右 洲儒學陞國子博士仕終職方員外即分省人物考 下錦衣獄仁宗時以太子監國知其以諫得罪改長 江西通き

鎮江民三十萬蠲租一百十萬二千石有奇二十旬 而河成初禮以會通之源必資汶水乃用汶上老人 白英策築堽城及戴村壩横亘五里過汶流使無南 之為二道南流接徐沛十之四北流達臨清十之六 入洗而北歸海滙諸泉之水盡出汶上至南旺中分 郎進工部尚書命開會通河發山東及徐州應天 置閘十有七而達於衛南至沽頭地降百十有 相地置閘以時蓄洩自分水北至臨清地降九十 巻七十七 欠三日見という 剛駅下嚴急故易集事然亦不為人所親卒之日家 相繼成於是河運大便利漕栗溢多逐罷海運禮性 渠功禮第一已而平江伯陳瑄治江淮間諸河功亦 益汶是年興安伯徐亨工部侍郎蔣廷瓚濟祥符魚 列卿録 無餘財弘治中主事王寵始請立祠祀之南旺湖上 王口至中藥下復售黄河道命禮兼董之還京論漕 尺閘二十有一而達於淮又奏濬沙河入馬常泊以 江西通志 卖

鄒瑾魏見俱永豐人洪武末瑾以薦辟歷陛大理寺丞 金好四月全書 貞烈人稱永豐二烈吉州人文紀畧 急迎附瑾與晃不從皆死之南渡後贈瑾大理卿諡 臣等義不與之俱生不聽次日宫中自焚走或曰宜 即殿前殿之幾死帝輟朝瑾與冕大呼曰願速加誅 掌御史事見為蓮之甥同官御史北平兵至城與十 八人同謀死守時都督徐增壽謀開門迎納十八 按府志縣志魏勉作冕吉州人文紀鄒魏合傳亦

藍子真吉水人洪武中試天下第一歷官副都御史以 曹居真廬陵人著詩義發揮行于世今多採入詩經大 欠三日草二十 劉埜字子彦泰和人子高弟洪武中徵制禮作樂通今 博古之士賴守舉姓以應條奏十事禮樂多所更定 直聲聞于時人物志 全學者宗之林志 考 作晃前志作勉者為今改正魏晃後亦予諡俟再 江西通志

亖

金分四屋全書 郭餘字慶宜泰和人洪武間徵論道之士應詔授廣東 黄九衢字伯路吉水人博學多才識所製渾天儀刻漏 夏霖字道存吉水人洪武間以文學徵為本郡教授博 林志 委九衢一一 學有行誼沒配祀九賢堂有荷亭金灘等集存于家 壺曲盡其巧為本縣訓導守令每造請問以禮樂原 人物志 折衷皆可施行同上 巻七十七

曾鳳部廬陵人洪武進士建文初為監察御史燕王入 鄒朴字爾愚永豐人以儒官仕周府直言諫王以止其 聞瑾死節憤激不食而卒同上 問無兵起朝議遣使持韶往諭鳳韶慷慨請行比至 覲馳御道入且不拜鳳韶侍班劾大不敬以至親不 聞上嘉其忠特性為監察御史尋陞泰府長史歸省 非謀王不聽禁錮甚密後謀逆事覺大臣以朴諫語 按察兔事有禹貢傳註詳節行于世林志

次三四軍在馬

江西通志

梁潜字用之泰和人洪武間舉鄉試授四川蒼溪訓 召又不赴乃刺血書衣襟曰予生廬陵忠節之邦素 無抗不納乃還無王稱帝以御史召不赴尋加侍郎 李亦自經死福王時贈太僕鄉諡忠毅妻諡身愍白 李氏子公望勿易我衣即以此險遂自殺年二十九 之得宜可以含笑於地下而不愧吾文天祥屬其妻 負剛鯁之腸讀書登進士第仕宦至繡衣郎慨一死

蕭翀字鵬舉以字行泰和人洪武辛酉以賢良應制賦 欠こうえ こう 成握翰林修撰賜白金襲衣文幣兼右春坊右贊善 代鄭賜總裁永樂大典同立 清自潛至远去水可鑑永樂元年召修太祖實録書 以薦除廣東四會知縣縣有龍橋河吏康平則河水 國時潛居輔導後以讒死所著有泊庵集 按梁潛榜姓鍾後復本姓為梁人物志旣載梁潛 叉載鍾潛白志考正存其一叉按仁宗為太子監 工西重む 芫

金兵四母全書 贈太子太師林志 廉介稱為劉子高弟子編其師集者也後以子錊貴 指依草詩稱旨授蘇州同知山東鹽運副使以勤儉 按蕭翀事林志與人物志略同皆不及其兄弟 名者乎抑或一人而彼此所述各異辭乎白志 日翀次縺次琳次緩次輝一門孝友致紫荆五 劉子髙職方集所撰五荆傳則稱其同祖五人長 瑞顧不及翀之宦蹟豈同時同邑别有同姓同 をし十七

朱如初萬安人辟舉不就居親喪不用浮屠一遵家禮 人心口事心事 江西通志 王省字子職吉水人洪武鄉舉至京命吏部授官省言 民幸免同上 洪武問西境寇發官兵圍寇境畫地圖頗干無辜如 首曰畫地之功與萬安人之命熟重輕令遂改圖良 初白縣令當區别善惡或曰圖成難改如初號哭碎 親老乞歸養尋以文學徵太祖親試稱旨當殊握自 林志立傳

每 员四屋 全書 陳才薄親老乞便養授浮梁教諭凡三為教官最後 得濟陽無兵至省坐明倫堂伐鼓聚諸生謂曰若等 部員外郎諡貞烈白志 謂父必死三遣人往訪竟得遺骸歸葬福王時贈禮 省以頭觸柱死女靜適即墨薄周岐鳳聞燕兵至濟 知此堂何名今日君臣之義何如因大哭諸生亦哭 陽失守省閉門不食數日而死與此小異吉州 按王省事詳見金文靖幼孜所撰墓志中末謂濟

解籍字大紳吉水人父開與弟園有名稱二解籍年十 次已回車公馬 中書庶吉士改御史時記近臣父皆得入觀縉父開 胡廣金幼孜楊榮胡儼七人並直文淵閣預機務尋 年來用未晚也成祖入京握侍讀命與黃淮楊士奇 至帝召謂曰大器晚成若以而子歸益令進學後十 九舉鄉試第一洪武二十一年與兄綸同舉進士授 省三子曰結曰善曰兹永初無名禎者原跋 文紀略云省子禎為藝州通判亦抗節死放墓志 江西通志 垂...

委员口厅台 進侍讀學士賜五品服命七人命婦朝中宫縉等妻 定建儲議件漢王卒以此滴死列鄉録 高任事直前好臧否鯁直無顧忌廷臣多害其龍而 太子進縉翰林學士無右春坊大學士縉少登朝才 遂謁后於柔儀殿賜冠服鈔幣而出永樂二年立皇 彪圖命網題其上網題云虎為百獸君誰敢觸 計中傷之文皇殊無憐愛意一日宫中出虎顧諸 江盈科曰仁廟為皇長子南京監國最久高煦百

陳誠字子魯吉水人洪武進士初授行人司出使安南 次已日華白馬 震位以寧大寶逐定雖其後竟以譴謫死而功在 社稷九原瞋目矣按解所著名春雨堂集 又以好太孫一言堅定成廟之長應于猶豫之時 而縉以題虎一詩激發成廟之真心于離間之後 以功結于上上意業已有屬此殆難以口古爭者 日命夏原吉迎皇長子于南京始見歡洽噫髙煦 怒惟有父子情一步一回顧上覺詩惻然動念即 江西通志 圭

鱼为四月白言 宋琮泰和人洪武三十年會試第一北士無預者琛善 東祭議永樂初謫居撫州踰年起為吏部主事晉員 却其饞送銀幣復命陞翰林院檢討建文朝出為廣 外郎時西域撒馬兒军哈烈等國皆遣使入貢命誠 老告歸所者有竹山集竹山自記 界官布政使恭政凡三使西番皆不辱命洪熙中以 往報凡所涉歷録為西域志使還上之陛本司郎中 按陳誠事蹟林志及吉州人文紀皆略白志改撰

戍帝親策問更試握六十一人皆北士時謂之南北 卒之前預勉死期或叩以休咎輒不應白志 榜又曰春夏榜云永樂初放還起刑部檢校鄉人 屬之也帝益怒信蹈等論死三吾以老成邊琛亦遣 信等覆闊不稱旨有言信等故以陋卷呈由三吾等 士奇輩貴顯琛無所攀援宣德中以檢討掌助教事 易學悵然語人曰翰苑當有厄吾其竄乎旣而諸生 上言劉三吾白信蹈等南人私其鄉帝怒命侍講張

次已日東江馬

江西通志

丰

鄧時俊字仲清永豐人建文進士任刑科給事中以直 金为口戶百書 尹昌隆字彦謙泰和人洪武中進士及第授修撰改監 輔成王不若罷兵息戰許其入朝彼既欲伸大義於 盛陽微謫見於天執政大怒斥為福寧知縣燕兵南 察御史建文元年京師地震昌隆疏言好人專政陰 諫出為驛丞者再後入預修大典陛主事卒 下昌隆上書言今事勢日去然北來奏章動引周 下不應便相違戾設有蹉跌便須舉位讓之猶 老七十七 林志

欠いうしこう 曾麟字子貞廬陵人洪武中以薦授靖安訓導考滿入 失作藩王若沈吟不斷禍至無日進退失據雖欲求 朝除周府紀善以忠直事王世子以下皆敬憚之號 為丹徒布衣不可得矣不報永樂二年授禮部主事 所誣獄具置極刑死夷其族白志 遇赦復官後數年谷王謀反事發辭連昌隆為吕震 以忠言為是帝不能奪而心街之乃建昌隆下獄尋 初帝欲立高煦為太子金忠力爭帝以問昌隆昌隆 江西通志

吉

金好四屋全書 鄒緝字仲熙吉水人洪武中舉明經授星子教諭建文 二忠祠林志 時入為國子助教成祖即位擢翰林侍講立東宫兼 為直索先生王以罪被逮麟深自隱至丹陽逐自殺 年三殿災詔求直言緝上疏大略言國家所恃以久 左中允屢署國子監事進左庶子兼侍講永樂十九 世以賈誼死梁事比之後與同宗侍御鳳部並祀于 長者惟天命人心而天命常視人心為去留今天意 を七十七

欠二百巨二二 罪緝博極厚書居官動慎清操如寒士白志 俱左官交阯惟緝與主事高公望庶吉士楊復得免 敬俱下獄御史何忠羅通鄭維桓徐瑢給事中柯遇 以誤於其後也書奏不省時侍讀李時勉侍講羅汝 故保養聖躬休息於無為母聽小人言復有所與作 如此不宜勞民當還都南京奉謁陵廟告以災變之 按永樂時緝所上一疏累千餘言文多不具録所 著有素庵集 工巧通去 三十五

周是修名德以字行泰和人洪武末舉明經為霍邱訓 金近四月全書 喜撰周府奉祀正改衡府紀善留京師預翰林纂修 導太祖問家居何為對曰教人子弟孝弟力田太祖 位立祠祀之初與士奇縉靖幼孜武淮胡儼約同死 師畢自經於尊經閣年四十九萬歷中督學御史饒 火發留書別友人江仲隆解縉胡靖蕭用道楊士奇 燕兵渡淮與蕭用道上書指 斤用事京城失守官中 付以後事具衣冠為贊繫衣蒂問入應天府學拜先 卷七十七

王處敬廬陵人少貧篤志于學洪武中官至湖廣食事 林志 惟是修不負其言後士奇為作傳同上 滴交吐尋復原職平生剛毅與人不苟合至老不渝 等書今傳者惟芻蕘集 極圖通言家訓觀感録芻蕘集進思集綱常懿節 按人物志是修所著有詩集義論語類編廣行太

次已写事在事 一江西通志

周召字公明吉安人洪武初被薦為教官召預纂修廷

曾克偉泰和人由進士任刑部主事當同御史按治福 劉子敏名禄泰和人洪武問拜監察御史歷官廣東副 金为四五百章 蕭用道泰和人建文中舉懷才抱德詣嗣武文章推靖 試大明一統賦稱旨握第一有溪園集同上 使有學識鯁亮無阿百折不挫人物志 建政肅民安特被樊齊進山東飲事分巡遼東林志 同上書指斥用事者永樂初預修太祖實録改右長 江王府長史召入翰林修類要燕師渡淮與周是修

羅恢字師程永豐人初為崇仁司訓書上疏言孔廟從 康彦民號态窗泰和人洪武進士四令壯邑皆著賢聲 寫心養周文寒集 斥從祀疏奏不報永樂中膺薦入史館纂修太祖實 録性國子學録遷博士以年老致仕所著有歸田録 祀當以有若居十哲位次而宰我居兩應公伯寮宜 獻後以疾乞歸卒于家白志 史從王之藩桂林作端禮體仁遵義廣智四門箴以

欠已日奉在馬

江西通志

主

楊士奇名萬以字行泰和人建文初以史才薦遂入翰 金分四匠全書 第一中蜚語調江寧丞卒諸縣各祠名官豫章書 奇策曰此非經生言也奏第一成祖即位改編修己 林與編纂尋命吏部考第史館諸儒尚書張統得士 廉有為乞復召為縣御史以聞遂再泣台治状為浙 家居十年宣德初巡按御史至天台邑民言彦民公 化勸民務本力農著有諭士民書萬餘言未幾告歸 初宰青田改儀真巴陵以憂歸服除補天台政尚教 老七十七

太子喜文辭赞善王汝玉以詩法進士奇曰殿下聽 簡入內閣典機務帝北巡士奇留輔太子從容規勸 辭遂下侍讀黃淮獄士奇後至帝宥之居數日帝已 足效也太子稱善駕還南京召士奇問監國狀士奇 盡得漢王事削两護衛進士奇翰林學士兼故官留 子益急帝頗信之會太子所使迎帝者緩且奏書失 以孝敬對明年帝北征士奇仍留輔太子漢王詩太 治眼當留意六經否則兩漢詔令可觀雕蟲小技不

处已四軍亡馬

江西通志

等為總裁宣德元年漢王反帝親征破擒之師還次 輔如故明年坐輔導有闕繁錦衣獄旬日而釋又明 並賜銀章得密封言事宣宗即位修仁宗實録士奇 郎兼華蓋殿大學士尋進少保與同官楊榮金幼孜 年帝崩於軍梓宫至太子發喪即位擢士奇禮部侍 曰太宗皇帝惟三子今上惟两叔父有罪者不可赦 單家橋侍即陳山迎謁因請乘勝襲彰德執趙王士奇 其無罪者厚待之疑則嚴防之使無虞而已何遽加

金父口近台書

欽定四庫全書 人 幸甚於是發使奉書至趙趙王得書大喜泣曰吾生 奇宅士奇倉皇出迎頓首曰陛下奈何以社稷宗廟 故且曰今而後知鄉之愛朕也帝初即位內閣臣七 矣即上表謝且獻護衛言者頓息帝嘗微行夜幸士 封犀臣章示王令自處何如士奇曰善更得一鹽書 兵傷皇祖在天意乎時惟楊溥與士奇合帝曰吾欲 之身自輕又數日果獲二盗有異謀帝召士奇告之 陳山張瑛以東宮舊恩入不稱出為他官黃淮以 としたし え

老致仕已而金幼孜卒惟士奇榮溥三人在宣德十 皆質浮言乃止正統初朝政清明中外臣民翕然皆 年帝崩皇太子方九齡內庭頗有異議士奇榮與英 墓未幾還以老疾在告卒年八十贈太師諡文貞白 志 書郡望曰南郡因目為南楊三年士奇進少師歸省 稱三楊以居第目士奇曰西楊榮曰東楊而溥當自 公輔入臨退請見太子於文華殿頓首呼萬歲羣臣

胡廣字光大吉水人子棋子建文二年廷試第一更名 Carried Marie 靖授翰林修撰成祖即位廣偕解縉迎附握侍講復 書之禮部即中周韵請封禪廣言其不可遂止丁母 諸臣誅及支親為屬部悉罷之永樂十六年卒年四 士帝北征廣與楊榮金幼孜從廣善書每勒石皆令 憂召還帝問百姓安否廣對曰安但郡縣窮治建文 名廣遷右庶子兼左春坊大學士尋拜文淵閣大學 按西楊所著有東里文集續編 江西通志 7

金好四月全書 王艮字敬止吉水人建文二年進士對策第一貌寢易 燕兵簿京城艮與妻子訣曰食人之禄者死人之事 集類要時政記類次秘閣書目諸大著作皆綜理之 撰如洪武中故事設文史館居之預修太祖實録 胡靖艮次之又次李貫三人皆同里並授翰林院修 林檢討加贈廣少師文臣得諡自廣始同上 吾不可復生矣時解縉吳溥亦艮鄉人與艮及胡 九贈禮部尚書諡文穆仁宗即位官其子種為翰 を七十七 大小可順 http 一 哭伏熄死矣同上 看豬溥顧與弼曰一豬尚不忍寧自忍乎須臾艮舍 曰不然獨王叔死耳語未畢隔牆聞靖呼外喧甚可 容三子去溥子與弼尚幼嘆曰胡叔能死節大佳溥 涕不言溥曰三子受知最深事在項刻若溥固可從 鄰居皆集溥舍縉陳託大義靖亦奮激慷慨艮獨流 為洪武進士蓋緣成祖即位廢建文年號故也 按建文二年為庚辰王艮以是科及第林志以艮 江西通志 ___ 原

金好四屆全書 顏伯瑋名瓖以字行廬陵人唐魯國公真卿後建文元 年以賢良徵授沛縣知縣李景隆屯德州沛人終歲 巻七十七

詩公署壁上誓必死熊兵夜入東門伯瑋冠帯升堂

徐州告急援不至遂命其弟珏子有為還家侍父題

存疲弱不任戰無兵攻沛伯瑋遣縣丞胡先間行至

集民兵五千人築七堡為備禦尋調其兵益山東所

輓運伯瑋善規畫得不困會設豐沛軍民指揮司乃

劉鎬字武性龍泉人父允中廣西憑祥司巡檢沒于官 旁同上 **臨桂學導假以公事往憑祥鎬至求之客冢中莫可** 辨識九中在任時所養家童劉四者旣轉入交趾 恨鄉先生晏彦文知而憐之為言于廣西當事聘為 其地在廣西窮處與交趾接境鎬以不得歸父骨為 南向拜畢自經死有為不忍去復還見父屍自刎父 按福王時伯瑋贈太僕少鄉諡忠惠有為諡孝節

久巴曰其二言

江西通志

聖二

張彦方龍泉人建文初由給事中以便養告改樂平知 金月四屆全書 時暑月經旬顏面如生無一 阻之彦方大哭曰君父在水火顧可以自緩乎逐率 縣靖難兵起南都勤王韶下彦方倡義糾兵有武弁 所部抵江口遇北平游兵執至樂平泉首暴尸熊樓 宛然又刺血驗之誠是遂負父骨歸葬分省人物考 白堂後 四忽從墓來若有物憑之者因得其處改視衣象 同 上 巻七十七 蝇集父老竊葬縣治清

彭與明萬安人太學生選授兵科給事中陛大理寺丞 王雅字格非吉水人德化訓導永樂間為會試房考得 とうう 江子 去不知所終人物志 持風裁喜談兵事會燕師起擇督察諸將帥者眾推 預修兩朝實録性樂恬退未當一及貴勢之門林志 曾祭等皆知名之士陛司經局正字尋遷翰林檢討 皇縱歸令傳語中朝士與明裂冠冕棄官變姓名道 與明逐出淮西至靈壁而何福已戰敗與明被執文 江西通志 型三

|多定四月全書 曾除字子啟吉永豐人永樂二年殿試第一授翰林修 **於辨論以觀其能修永樂大典為副總裁進侍讀學** 是見褒龍有薦文士者帝必問才學如祭否或命就 筆立就又當摘記載諸隱僻事問祭條對無遺候由 司禮監月給筆墨紙光禄給朝暮縣禮部月給膏燭 撰尋韶解縉選進士二十八人進學文淵閣祭為首 士修天下郡邑志復為副總裁仁宗立除左春坊太 鈔工部擇近第宅居之帝嘗親試天馬海青歌祭援 卷七十七

李湘字永懷泰和人永樂中以才擢東平知州城東有 とこう見と言 大制作多出其手宣德七年卒於官年六十一贈禮 典會試為文如源泉一寫千里館閣中自解胡後諸 部左侍郎諡襄敏列柳舜 學士宣宗立進少詹事預修三朝實録再扈北巡三 大村壩源出岱嶽雨潦輒為民患奏發丁夫隄之州 按曾榮所著名巢睫集今傳者惟西墅殘豪二卷 有詩而無文 江西通志

官選任將解去民奉乞於朝帝從其請時數比征令 及所轄五色地多荒無力督民墾闢公私皆實會舊 **暨布按二司力白其冤者老七十人復奔伏闕下發** 山東長吏督民轉的道遠多死亡惟東平人無失所 好人誣湘岢斂民財縣民千三百人走訴巡按御史 好人誣陷狀及布政司繁湘入都又有者老九十 於法治州十餘年擢懷慶知府卒自志 湘松冤通政司以聞下刑曹閱實乃復相官抵 巻七十

田南部永豐人永樂鄉舉知奉化性資寬厚操行廉謹 次包四華全書 周彦奇名正吉水人永樂初授刑科給事中陛雲南食 地宣布國威諭以禍福皆解去陛大理少卿識訟能 事會麓川緬甸蜜苗於爭相仇殺彦奇匹馬深入其 志 及他惟問汝有麥食否念民如此卒于官浙江名官 刑罰不妄施惟以禮訓人遘疾且殆父老入視言不 推極幽隱 白志 江西通志 五

周述字崇述吉水人永樂二年與從弟孟簡並舉進士 厚簡靜未當疾言遠色文章雅瞻孟簡謙退不伐生 言宜留憐顧問者帝曰輔朕弟尤勝於輔朕也述温 簡在翰林二十年始遷詹事府丞出為襄王長史有 皇太子謁陵南京宣宗時進左庶子正統初卒官孟 淵閣述當尾北巡累進左春坊諭德仁宗即位命從 及第帝手題二人策獎賞之並授翰林編修讀書文 無睚眦於人並為世所重云述著有東墅集孟簡

宋子環字文莹廬陵人由永樂進士為庶吉士歷考功 著有竹澗集白志 郎中從師逵採木湖廣以寬厚得衆心仁宗即位授

德中卒官家具蕭然事聞給舟歸喪所著有詞林豪 梁園集同上 梁府右長史改越府和易澹泊居兩府皆有賢聲宣

王詢永豐人永樂進士任韶州推官明察精敏不畏權

要以經術潤節吏事時中官鄭和齎金幣勞賜海

とこう見いる

江西通志

. 學巧!

多定四月全書 張景良永新人永樂間授國子博士進四書直講授右 周忱字恂如吉水人永樂進士選庶吉士成祖擇其中 或難之曰孰若先拒可以博廉名景良謝曰斯皆吾 諸番護行軍官頗横捕韶民三人以去家人呼號贖 民膏脂也豈忍惜是以沽廉哉人物志 斂民金五百兩遺之景良受馬悉以還前所斂之民 春坊司直郎判順慶以東宮當授學于景良取府所 以金不許詢至舟徑取以歸廣東名官新志 卷七十七

進員外郎忱有經世才浮沈郎署二十載人無知者 獨夏原吉奇之宣德初有薦為郡守者原吉曰此常 太祖平吳盡籍其功臣子弟莊田入官後惡富民豪 楊榮薦超遷枕工部右侍郎巡撫江南兼督稅糧初 調也安足盡周君帝以天下財賦多不理而蘇州 乞預帝嘉其有志許之時人謂挨宿尋推刑部主事 二十八人令進學文淵閣應二十八宿忱自陳年少 那積通至八百萬石思得才臣往釐之乃用大學士

次2四車全書

江西通志

今とりはんとう **持坐罪沒入田產皆謂之官田按其家租籍征之故** 屢下詔減官田租忱乃與知府況鍾曲算累月減至 官田之租乃至二百六十二萬石民不能堪時宣宗 **蘓賦比他府獨重官民田租共二百七十七萬石而** 南數大府小民不知凶荒两稅未嘗逋負帐之力也 七十二萬餘石他府以次減民始甦息終忱在任江 糧忱素樂易既外任江南與吏民相習若家人 九載秩滿進左侍郎六年命兼理湖州嘉興二府稅 超七十十

得官戶部乃改工部仍巡撫景泰中還朝旣而言官 為巡撫也再以九載滿進户部尚書尋以江西人不 流之壅遂盡滌暇時以匹馬往來江上見者不知其 帝命李敏代之勅無輕易忱法然自是戶部括所 多淤流乃濟其上流使崑山顧浦諸所水迅流駛下 交章劾忱景帝素知忱賢但令致仕而已忱既遭劾 苦當詣松江相視水利見嘉定上海問沿江生茂草 每行村落屏去騶從與農夫餉婦相對從容問所疾

次已日華白馬

江 西通志

咒

彭璉字汝器以字行安福人永樂進士授翰女 餘米為公賦儲備蕭然其後吳大饑道獲相望課通 年卒諡文襄列柳録 如故矣民益思忱不巳即生祠處處祀之以景泰四 者矣 周而且敏大都以便宜從事一時理財無出其右 薛方山曰文襄巡撫南都二十二年虚心訪問善 采衆長謀畫深遠茍可利民利國破格為之處事

欠已日長 白馬 劉敬字子欽吉水人永樂癸未江西鄉試第一明年 藁石溪集 申會試第一時所取四百七十三人太宗拔二十八 仁宗嗣位命經術之士謫居戍伍者舉任教官時曾 列歷官翰林學士卒年三十三所著有扈從五雲二 為庶吉士敬在選中賜名俾入文淵閣讀中秘書 按彭璉林志不詳白志采周功叙集改揆 一十餘學問文章已冠時輩駕幸北京與扈從之 江西通志 ツナル 申

金戶匹匠百量 **荣為翰林學士以敬應認起為新淦縣學訓導生徒** 多所造就歲滿致仕歸卒年八十有八分省人物考 **染榜進士有劉子欽吉水人又有劉子敬廬陵** 志俱云子欽官主事與人物考又不合俟再改 跋 云者疑于欽初以字行而後賜名為敬也但郡縣 而無劉敬人物考所云敬在庶吉士選中賜名云 按劉敬林志豫章書均不載今增入考登科録曾

陳士啟名雷以字行泰和人永樂進士選庶吉士提禮 販之栗使至而飢民倍士啟復上疏先出栗子民謂 多缺官諸曹郎給事中出為監司者二十餘人士改 唯謹士啟獨不少徇永樂十二年吏部言布按二司 數月釋還職高煦謀不軌士啟密聞于朝煦旣執 使者曰有罪吾獨任廷議竟從之坐唐賽兒亂下獄 得山東右祭政盡心吏事不為察察名青州饑疏請 部郎中尚書呂震擠尹昌隆至死屬吏皆憚之承奉

2 .. JO 10 1. 1.1.15

江西通志

楊相字之宜泰和人永樂甲申會元以庶吉士入讀中 到定四月至書 周源吉水人永樂鄉舉知天台縣時鹽禁方嚴賦無 事卒明一統志 宣德六年卒于官白志 秘書天資閱爽文學疏通朋量鮮與之匹任刑部主 薛禄張本錄餘黨撫安人民事竣命清理山東軍籍 密啟高煦不軌事原政 按陳士啟事跡詳見曾松臞所撰行狀中獨不 卷七十七

蕭寬字雅容吉水人永樂進士選庶吉士與修永樂大 欠三日軍在馬 未當見其有疾言處色所至有聲明一統志 典授兵部主事累官湖廣左布政使為人寬容端重 物志 知府比至縱囚出外舎約期聽理無一亡去者值歲 出民多流移源奏免其賦復業者四百餘戶陛常州 大軟朝廷動重臣賑濟源建白借運光粮以濟之 按周源林志不載 江西通志

年月口月七三 李昌祺名有以字行廬陵人永樂進士預修永樂上 陳衡永樂進士授御史歷巡按廣東河南陝西風裁表 余學蔓字一薨泰和人永樂進士由翰林庶吉士官至 者秩滿自引去 豫章書 侍講兩朝實録成當遷上疏致政去所著有北軒集 解書疑事人多就質推禮部即中選廣西左布政 按登科考陳衡永豐人著有螺田存業 人物志

蕭省身泰和人與昌祺同舉永樂甲申進士洪熙元年 僅蔽風雨伏臘不充景泰中卒于家白志 言三事皆報可致仕二十餘年屏跡不及公府故廬 臣復請起昌祺奪喪赴官撫恤甚至正統改元上書 疏滞舉廢救災邺貧與右布政使蕭省身共為治政 化大行憂歸宣宗已命侍郎魏源代時河南大旱廷 坐事謫役洪熙元年起故官治河南繩豪猾去貪殘 按昌祺所著有容膝軒運號漫豪

欠己四軍在馬

江西通志

劉叔宏廬陵人初為沅陵知縣縣介谿洞困徭役者悉 布政考滿當給結命奏父年八十餘願以給父帝嘉 窟山谷叔忠至計其丁貲而役之流亡復業有爭訟 而許之後遂為例居河南十二年治行與昌祺等 不治以法為開諭再三心服而後遣之陛北京行部 超推河南右藩卒時年南五十君子惜之 按豫章書省身初由庶吉士改刑部主事進郎中

金月口万百言

羅汝敬名簡吉水人永樂進士選庶吉士就學文淵閣 次定四車全書 握修撰滿九載進侍講仁宗時上言時政十五事件 **忘以廉勤着尋陛辰州府同知及建北京宫殿率郡** 員外時新置行部兵飢之後庶務叢胜工曹尤甚叔 旨下獄既與李時勉同改御史直聲震朝廷宣德初 民就役卒于北京民之在役者歸時載其喪葬辰州 分省人物考 上書大學士楊士奇謂車駕幸天壽山躬謁二陵將 江西通志 **乔**

武扈從惟也先土干與其徒數百人風馳電掣條去 侍郎往安南撫諭黎利復再往封陳高還督两浙漕 深慮也執事四朝舊臣二聖元輔於此不言則孰得 與降將較獵於山谷間垂堂之戒街糜之虞不可不 忽來馳逐先後某聞此言心悸膽落夫以謁陵出而 運理陝西屯田多所建置西邊有警督餉遇敵紅子 而言之者惟特加采納以弘靖獻之思尋擢工部右 以稱殷禮展孝思也旣而道路喧傳禮畢即較獵講

李時勉名懋以字行安福人永樂進士選庶吉士進學 欠二可見二言 城中流失墜馬得免以疾告歸卒列鄉録 事成祖決計都北京而時勉言北京營建之非疏入 書成改翰林侍讀三殿災詔求直言條上時務十五 文淵閣與修太祖實録授刑部主事復與重修實録 大拂帝意尋被讒下獄赦復職洪熙元年復上疏言 進士有羅汝敬蓋以字行也所著有寅庵集 按林志汝敬名肅與此不同考登科録永樂甲申 江西通志 吾

金坑四周全書 事仁宗怒甚縛至便殿對不屈命武士撲以金瓜脇 賜之正統三年進學士掌院事兼經筵官六年祭酒 戶適拉獄密召醫療以海外血竭得不死宣宗即位 折者三曳出下錦衣獄時勉於錦衣千户某有思千 月泰罷以時勉代之九年帝視學祭酒當進講時勉 撒金錢賜諸學士皆免取時勉獨正立帝乃出餘錢 瑜年復原官修成祖實録成遷侍讀學士帝幸史館 病嗽及升堂色温氣定講尚書解旨清朗帝悅賜 巻七十七

|改定四車全書 王芳孫字瀘淵安福人官山東河南布政清慎自持 卒年七十七盆文毅其孫願請改盆更盆忠文贈禮 部侍郎同上 予有加連疏乞致仕皆不允十二年乃得請命給驛 按時勉初入翰林與陳敬宗同官索忠徹當相之 時勉名聰與此傳異所著有立康集原政 曰二君他日名位相埒後果各為南北祭酒終明 之世稱賢祭酒者曰南陳北李云吉州人文紀略 - // -江西通志 至

劉髦字孟怕永新人永樂戊子鄉薦下第歸道淮徐會 きラビル 書褒之子高亦以進士官至福建右布政使居官四 妻再四勸之乃納為貳室生子定之寅之皆登進十 洚水大至一女子浮槎出没波濤問亟呼求救莫有 髦所著有易傳撮要修身箴覆瓿集石潭存藁以定 應者髦厚搞長年往拯得不死詰其所自則富商女 也憐其舉家漂没以女畜之載與俱歸將為擇配其 餘年清慎如其父人咸重之林志

王直字行儉泰和人永樂進士改庶吉士授修採歷事 之貴贈司經局洗馬豫章書 按人物志髦居石潭之上講學以為樂弟子甚衆 稱石潭先生云

先直率廷臣力諫不從命直留守京師王師覆於土 右侍郎久之出泣部事尚書胡淡悉以部政付直處 仁宗宣宗累遷少詹事兼侍讀學士正統初進禮部 之若素習者八年代郭琏為吏部尚書帝將親征也

久三日日八三

江西通志

真以安反側議上皆直為首而直自以不如于謙每 大率奉臣請太后立皇太子奉郎王攝國政已勸即 事推下之加太子太保景泰元年進少傅也先使使 議者九十一人當署名直有難色陳循濡筆强之乃 羅綺往已而揚善竟奉上皇還帝欲易太子未發會 從其請遣使往報因察其誠偽而撫納之乃遣李實 議和且請還上皇下禮部議未決直率奉臣上言宜 思明土知府黄玟以為請帝喜下禮部議文武諸臣

署竟易皇太子景帝疾亟直等請復立沂王為皇太 孫思自有傳列柳録 四贈太保諡文端子積仕翰林檢討亦以學行稱曾 迎上皇復位直遂乞休給驛歸家居六年卒年八 子推大學士商輅草疏未上而石亨徐有貞等奪門 芭槭樸之化馬按直為冢掌十六年休疏凡十 鄭淡泉曰正統以降泰和為銓曹尚書東正懸公 官評清允以故朝多壽俊野無廢錮蔚蔚乎有豐

尺三 日長 二言

江西通志

金好四屋全書 張宗璉字重器吉水人永樂進士改庶吉士授刑部主 朱與言字 家居肅然如在官韓雅巡按江西尚嚴憚馬林志 副都御史上疏論時弊極痛切上皆納之未幾乞休 况鍾以宗璉名上握南京大理丞宣德元年詔遣吏 事仁宗即位握左中允會詔朝臣舉所知禮部郎中 上始允所著抑庵詩文集各若干卷 侍郎黄宗載等十五人出釐各省軍籍宗璉往福 **諤萬安人永樂進士累官南京都察院右**

蕭時中名可以字行廬陵人永樂辛外進士第一授翰 宗連數爭之立怒宗連輔卧地乞杖曰請代百姓死 嘉納馬嘗預修四書五經性理大全諸書豫章書 林修撰奉天殿災陳言八事極盡時弊善尊婉諷上 白志 未幾疽發背卒常州民白衣送喪者千餘人為建祠 建明年坐奏事件旨商常州同知朝遣御史李立理 江南軍籍檄宗璉自隨立受點軍詞多建平民實伍

欠二三月二二

江西通志

劉麟應字顯人安福人父環紹與太守麟應蚤孤廢學 劉咸字士皆泰和人永樂進士歷官河南按察副使改 蕭不敏時中之兄守身立學有名事母盡孝以詩經薦 |金定四月全書 隨族人商于廣解學士外貶道廣一見奇之勉令就 俱有名于時著有河南咏古集虛庵集豫章書 廣東時營繕北都被命董運木料卒于官文章政事 既上春官會時中充考官避嫌不入歸而教授鄉里 明一統志 をしてし

|錢習禮名幹以字行吉水人永樂進士選庶吉士習禮 欠三日軍台馬 為翰林院落成諸殿大學士皆至習禮不設楊士奇 宗開經筵為講官握學士掌院事七年以故鴻臚寺 乎仁宗即位遷侍讀知制語宣德中進侍讀學士英 乘問言於帝帝笼曰使子寧在朕猶當用之况習禮 與練子寧姻戚既仕鄉人以奸黨持之恒惴惴楊崇 吉士授修撰以疾懇歸同上 學麟應感激勵志學以大成登永樂乙未進士由庶 江西通志 둧

溥坐曰此非三公府也其剛正有執類如此正統 屈復上章乞骸骨卒年八十有九益文肅 列州録 習禮力辭不允王振用事達官多造其門習禮恥為 年乞致仕不許禮部右侍郎缺廷議用苗東特旨命 孫侍教者十五年所著有應制集詞垣續豪歸田 當時大制作多出其手豫章書稱其歸熙老堂子 按習禮歷事四朝兩扈北巡三修實録八典文衡 原跋 巻七十七

隊正倫吉水人永樂進士為御史斥蠹擿好務愜民心 陳賞字公延泰和人繼先子永樂進士推廣西食事 歐陽和字允和泰和人永樂進士授御史居官寬厚坦 後集白志 累遷陝西四川按察使政益嚴整姦貪猾巨不敢蹈 官清苦卒無以為強同官周之始得返喪者有橋 **克太宗亟稱之曰歐陽御史員識大體者陛雲南** 故智以自逞楊文身最重之稱為畏友同上

大三日年六十二

江西通志

辛

金月四月五十 羅通字學古吉水人永樂進士授御史巡接四川三殿 使卒林志 災偕同官何忠等極陳時政嗣失忤旨出為交趾清 破賊殺傷甚眾賊知城不可拔引去會朝議棄交趾 坐事下獄以于謙薦起兵部員外守居庸關也先破 通始率吏士歸改户部員外出理宣府軍詢遷即中 化知州宣德元年黎利反賊方圍化通堅守乘間出 紫荆長驅犯京師别部攻居庸甚急天大寒通汲水

欠已 写事 白馬 灌城水堅不得近七日道走追擊破之景泰元年名 以知兵用不宜理院事乃解其兼職通本于謙所舉 而每事抵牾人由是不直通天順初乞歸卒白志 人參贊京營軍務兼理院事給事中覃浩等言通本 建祠居庸闢以祀通劉晉卿羅少保易名詩序云 按豫章書云弘治十八年追録已已保障功臣勃 土木之變破敵保塞恢復京師與于忠肅共成中 興之業為犁庭以來第一戰功其後觀象前知而 江西通志 또

彭副字祖期永豐人永樂進士親老乞近地以養除南 金月中月台電 雄府教授學舎後有祠數現光怪學官弟子率禱祀 官命督南畿學校詳立教條士風大振又請設南京 秀諸生翕然響學以楊士奇薦召拜御史初設提學 **弱為疏請蠲子孫徭剏尊賢堂祀胡安國蔡沈真德 弱撒而焚之滿考補建寧教授朱子故宅有祠無祭** 耻與奪門之事以左都御史屢疏請致 任此段舊 志不詳附録於此

かろうりゅうなか 李昉字宗昉吉水人由太學生除行在吏部主事宣德 陳循字德遵泰和人永樂乙未進士第一授翰林修撰 歸同上 考功郎中土木之變數言兵事以直不容于時致仕 諸衛武學所至革治先賢墳祠母憂歸起復改吏部 宣德初與楊溥同受命直南宫日承顧問賜第玉河 死國事安志 年征交趾兵部尚書李慶贊軍務防以文學參謀 江西通志 至

金好四月全書 兼文淵閣大學士嘗集古帝王行事名勤政要典上 精騎入衛馳檄回番以疑敵帝皆從其計尋進少保 中所言多采納進戶部尚書也先犯京師請勅各邊 年進戸部右侍郎兼學士土木之變人情洶洶循居 橋西正統九年入文淵閣典機務初廷議時政三楊 主之至是士奇祭已卒循及曹鼐馬愉皆得預議明 敗詔釋為民一年卒成化中于謙事雪循子引例請 之英宗復位于謙王文死杖循百戍鐵嶺衛石亨 巻七十七

次足四軍全書 楊散吉水人永樂進士授御史仁宗即位上疏言十事 胡種吉水人永樂問以陰補翰林檢討進侍講正統問 復官林志 握衛王府右長史盡心獻替未嘗苟取 件中貴王振謫戌於邊天順改元上察其忠鯁召還 衃 乃復官賜祭列卿録 今依列卿録 按陳循所著有芳州集林志載其末路事頗失 江西通志 錢宣德初 至 實

周勉字功懋號雪坡吉水人學士叙之兄少與叙同學 金为中人人 廖謨字文績泰和人永樂進士官河間知府多惠政有 卒 古循良風嘗任刑部主事福建负事以明刑著稱 銃然有用世志以父命總理家事四十年周氏五世 統志 同上 科録永樂心未進士有楊散無楊黼今從林志 按白志作楊黼林志人物志皆作黻字民服考登 セナチ 明

周叙字功叙吉水人永樂進士選庶吉士作黃鸚鵡賦 緘黙僧道數萬日耗戶口流民眾多其為於恤帝以 賦斂軍士困役作刑罰失重輕風憲無激揚言官惟 選者罔論賢否弟循資格司國計者不問耕桑惟勤 旱陛下責躬虔禱而臣下不聞效忠補過之言掌鈴 稱旨授編修歷侍讀直經筵正統八年夏上言比天 天性其死也學士為志墓所著有雪坡詩集石溪集 同居食指千二百餘公私出入皆所經畫孝友本諸

大巴马车台馬

江西通志

全 另 也 匠 有 書 彭琉字毓敬安福人永樂進士時管建北京委琉督軍 章示諸大臣王直等皆引罪求罷久之握南京翰 侍講學士叔以宋遼金三史體例多未當疏請重修 部許自撰力疾詮次不克就而卒白志 有詩學梯航唐詩類編今不傳傳者名石溪集 為職業尤注意于國事前後章疏皆切時政所著 按豫章書稱周學士居禁近三十餘年雖以文字

次三日車在馬 尹鳳岐字邦祥吉水人永樂進士由庶吉士官至侍讀 曾泉字本清泰和人永樂進士選庶吉士改御史宣德 為文章有法度根理據義磊落奇偉明一統志 奇薦之授翰林編修預纂宣德實録出為廣東山西 夫于畿内督運木于山東皆如期而集大學士楊士 不倦所著有息養集慎庵集備总録豫章書 督學改副使祭赞廣西軍務引疾歸自少至老讀書 初謫汜水典史卒正統四年河南祭政孫原貞上言 江西通志

在 另口. 万台電 郭循廬陵人永樂進士推刑部主事録囚南京于枉抑 哭臣行部汜水泉殁已三年民懷其惠言輕流涕雖 民器用百姓婚喪不給者咸資於泉卒之日老幼巷 有儲積民無科擾有羨餘矣然後造舟楫置棺槨贍 民關荒土收穀麥伐林木備營繕通商買完通賣官 泉操行廉潔服官勤敏不以降熙故有偷惰心躬督 方來帝從之白志 古循吏何以加宜下詔褒美追復泉爵褒既往以風

曾鶴齡字延年永樂辛丑及第第一人授修撰歷升侍 史集豫章書 裁其子追進士及第官編修鶴齡所著有松坡集雕 講學士子蒙故蒙簡皆舉進士蒙簡擢御史卓有風 政温厚詳明表裏洞徹見苛刻者每曰此輩自絕生 理得以是徽名干禄初不知召天之譴也林志 多所伸雪當論列營繕之事因改工部官至廣東祭 按曾鶴齡事詳見王文端所撰墓志中

欠三日事二

江西通志

窑

艾鳳翔吉水人永樂進士任工部主事上章乞歸養 劉子輔廬陵人永樂問歷官廣東副使左遷交阯諒江 賜祭復其家人物志 逐自死一子一 民死守數月寇來益衆攻益急城破兵民俱死戰無 知府值黎利來寇諸縣多陷子輔以義激守將及 逐奉以終身日肆力于學四方從游者甚衆林志 人降者子輔曰吾奉命守郡郡亡義不可污賊手 ,妾亦死之事聞贈布政司祭政遣官

鱼好口匠白書

を七十七

劉球字求樂安福人永樂進士授禮部主事胡淡薦侍 歐陽哲字廣哲泰和人永樂進士官浙江愈事轉河南 萬節字資中安福人永樂進士官至廣西按察副使操 とこり真と言 執不苟泣事詳審非人所易及明一統志 副使上疏言漕河利害上嘉納之賜以文綺歷官四 經筵與修宣宗實録改翰林侍講正統六年王振欲 十年以清介著所著有雪坡集人物志 立威邊陲用王驥征麓川球抗疏力諫章下兵部謂 江西通志 坌

金克 呼太祖太宗頸斷體猶植遂支解歷之獄戶下後其 語謂振曰此指公耳振益怒建下詔獄屬指揮馬順 殺球深夜順攜 公卿多趨謁球絕不與通德清恨之逐摘疏中攬權 上言所宜先者十事初球言麓川事振固已街之欽 四周全書 有成命不用球言八年四月雷震奉天殿球應 監正彭德清者球鄉人也素為振腹心倚勢為姦 鉞求得 臂裹裙以強球死數年土木之難作 小校持刀至球所球方卧起立大 巷 セナセ 部

劉廣衡字克平萬安人永樂末進士正統間以刑部郎 アニヨ 日上に 使白志 皆為學痛父冤逐絕意仕進躬耕養母球既得如兄 弟乃出應舉先後成進士鐵廣東祭政對雲南按察 景帝憐球忠贈翰林學士諡忠愍球二子長鉞次釪 被殺朝士立擊順斃之德清自土木遁還下獄論斬 集中 按忠愍所著有兩溪集忠愍死事狀詳見羅念庵 江西通志 至

李信主字君信泰和人洪熙時舉賢良授清河知縣縣 金定四月全書 景泰初歷左副都御史鎮守陝西請遇災傷母侯勘 中出修浙江荒政積栗數百萬督治陂塘為旱澇備 将而衝官艘日相街役夫動以千計前令請得沐陽 平處州賊居官以廉節稱終刑部尚書同上 兼撫福建浙江議創壽寧縣於官臺山以清盗窟討 五百人為助然去家遠艱於衣食信主請免其助役 即除其城底有司不得借覆核陰行科率從之已 老七十七

とこうほとも **主設教戒十三條令里民書於牌月朔望儆戒之且** 斬州清河民詣闕乞留命知州理縣事十一年冬以 兼供夫役從之自是他郡亦蒙其澤正統元年擢 **荒無請自儀員抵通州盡免其雜徭俾得盡力農田** 則民夫盡出有司歲發二三千人晝夜以俟致土田 自江淮達京師沿河郡縣悉令軍民挽舟若無衛軍 令書其民勤惰善惡以聞俗為之變宣德八年上言 江西通志 な

代輸清河浮征三之二兩色便之俗好發家縱火信

